

BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1-1673-1/12
Sarajevo, 30. 7. 2012. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 02-08-2012

Organizaciona jedinica	Klasifikaciona oznaka	Redni broj	Broj loga
01-	50-1-	15-28/12	

PARLAMENTARNA SKUPŠTINA BiH

- Zastupnički dom -

SARAJEVO

PREDMET: Odgovor na zastupnička pitanja, dostavlja se

Vijeće ministara Bosne i Hercegovine je na 14. sjednici održanoj 26. 7. 2012. godine utvrdilo Odgovor na zastupnička pitanja koja je postavila Ismeta Dervoz, zastupnica u Zastupničkom domu Parlamentarne skupštine Bosne i Hercegovine.

U privitku prosljeđujemo Odgovor radi dostavljanja zastupnici.

S poštovanjem,

GENERALNI TAJNIK
Zvonimir Kutleša





**BOSNA I HERCEGOVINA
VIJEĆE MINISTARA**

Broj: 05-50-1-1673-1/12
Sarajevo, 26. 7. 2012. godine

Na 28.sjednici Predstavničkog doma Parlamentarne skupštine Bosne i Hercegovine, održanoj 24.05.2012.godine, poslanica Ismeta Dervoz je Ministarstvu za ljudska prava i izbjeglice BiH uputila pitanja sljedeće sadržine:

1.“Da li Vijeće ministara BiH prije upućivanja prijedlga zakona i drugih propisa njihove nacрте dostavlja Agenciji za ravnopravnost polova BiH pr Ministarstvu za ljudska prava i izbjeglice BiH radi pribavljanja mišljenja o usaglašenosti sa Zakonom o ravnopravnosti polova BiH?”

2. „Da li je, slijedom zaključaka Predstavničkog doma sa 14. Sjednice održane 24.11.2011.godine i Vijeća ministara sa 169. Sjednice održane 21.11.2011.godine, Ministarstvo za ljudska prava i izbjeglice sagledalo stanje kadrovske osposobljenosti u Agenciji za ravnopravnost polova BiH?”

Na postavljena poslanička pitanja,Vijeće ministara Bosne i Hercegovine, u smislu člana 37. Zakona o Vijeću ministara Bosne i Hercegovine(„Službeni glasnik BiH“,br.30/03 ,42/03, 81/06, 76/07,81/07,94/07 i 24/08), na 14. sjednici održanoj 26.7. 2012.godine,utvrdilo je sljedeće odgovore:

POSLANIČKO PITANJE 1.

1.“Da li Vijeće ministara BiH prije upućivanja prijedlga zakona i drugih propisa njihove nacрте dostavlja Agenciji za ravnopravnost polova BiH pr Ministarstvu za ljudska prava i izbjeglice BiH radi pribavljanja mišljenja o usaglašenosti sa Zakonom o ravnopravnosti polova BiH?”

ODGOVOR

Nakon što je Predstavnički dom Parlamentarne Skupštine BiH usvojio Zaključak na 14. sjednici, održanoj dana 24.11.2011. godine, Vijeće ministara je na 169. sjednici, održanoj 21.12.2011. godine, donijelo Zaključak kojim se zadužuju sve institucije,

predlagači propisa da pribave mišljenje o usklađenosti nacrtu zakonskih akata i drugih propisa sa Zakonom o ravnopravnosti polova u BiH – prečišćeni tekst („Službeni glasnik BiH“ 32/10) od Agencije za ravnopravnost polova Bosne i Hercegovine, Ministarstva za ljudska prava i izbjeglice Bosne i Hercegovine.

Agencija za ravnopravnost polova Bosne i Hercegovine je svojim dopisom dana 22.12.2012. godine upoznala sve institucije BiH sa Zaključkom Vijeća ministara BiH te ih uputila na način dostave zakonskih akata i drugih propisa Agenciji na mišljenje.

Ministarstvo za ljudska prava i izbjeglice BiH je u Programu rada Vijeća ministara BiH uvrstilo Prijedlog Odluke o dopuni Poslovnika o radu Vijeća ministara BiH kako bi se obaveza dostavljanja zakona i propisa utvrdila ovim aktom. Prijedlog Odluke je dostavljen na razmatranje i usvajanje Vijeću ministara BiH 15.05.2012. godine.

Do sada su na mišljenje Agenciji za ravnopravnost polova Bosne i Hercegovine dostavljani akti u nacrtu od strane institucija Bosne i Hercegovine kao i nacrti akata Vijeća ministara BiH. Procenat zakona i propisa koji je dostavljen na mišljenje u odnosu na ukupan broj u ovom trenutku je teško utvrditi budući da se neki propisi dostavljeni Vijeću ministara BiH prije donošenja Zaključka na 169. sjednici. Agencija za ravnopravnost polova BiH će svoju analizu poštivanja Zaključka Predstavničkog doma Parlamentarne Skupštine kao i Zaključka Vijeće Ministara uključiti u svoj godišnji izvještaj o radu i u skladu sa tim će dostaviti preporuke Vijeću ministara BiH kao i nadležnim institucijama.

U cilju jačanja kapaciteta institucija BiH za usklađivanje zakona i drugih propisa sa Zakonom o ravnopravnosti polova u BiH Agencija za ravnopravnost spolova Bosne i Hercegovine u saradnji sa Agencijom za državnu službu BiH planira organizovanje obuke namijenjene osobama u institucijama BiH koje su zadužene za izradu pravnih propisa. Pored toga objavljen je i Priručnik za usklađivanje zakona sa Zakonom o ravnopravnosti spolova i sa međunarodnim standardima u oblasti ravnopravnosti spolova u kojem su predstavljeni najbitniji elementi pristupa na integraciji principa ravnopravnosti spolova u sve zakone i propise.

POSLANIČKO PITANJE 2.

2. „Da li je, slijedom zaključaka Predstavničkog doma sa 14. Sjednice održane 24.11.2011.godine i Vijeća ministara sa 169. Sjednice održane 21.11.2011.godine, Ministarstvo za ljudska prava i izbjeglice sagledalo stanje kadrovske osposobljenosti u Agenciji za ravnopravnost polova BiH?“

ODGOVOR

Zaključkom Vijeća ministara BiH usvojenim na 169. Sjednici, održanoj 21. 12. 2011. godine zaduženo je Ministarstvo za ljudska prava i izbjeglice da sagleda stanje

kadrovske osposobljenosti u Agenciji za ravnopravnost polova BiH te da, Vijeću ministara predloži jačanje kapaciteta iste.

Prema trenutno važećem Pravilniku o unutrašnjoj organizaciji Ministarstva za ljudska prava i izbjeglice BiH u Agenciji za ravnopravnost polova Bosne i Hercegovine su predviđena tri radna mjesta za državne službenike i dva radna mjesta za namještenike. U Agenciji su trenutno popunjena dva radna mjesta državnih službenika, te dva radna mjesta za namještenice. Tri osobe su angažovane putem ugovora o djelu na poslovima koji po stepenu složenosti odgovaraju poslovima državnih službenika.

Prijedlog Izmjena i dopuna Pravilnika o unutrašnjoj organizaciji Ministarstva za ljudska prava i izbjeglice Bosne i Hercegovine koji se odnosi na proširenje radnih mjesta u Agenciji za ravnopravnost spolova BiH je dostavljen Vijeću ministara BiH dana 01.02.2012. godine.

Nakon izbora novog rukovodstva Ministarstva realizovane su sljedeće aktivnosti:

-Generalni sekretarijat Vijeća ministara BiH je dostavio Ministarstvu za ljudska prava i izbjeglice BiH nakon preuzimanja dužnosti od strane novog saziva Vijeća ministara Zahtjev za izjašnjenje o predlozima materijala za razmatranje na sjednici Vijeća ministara, broj:05-07-1-377/12. Prijedlog Izmjena i dopuna Pravilnika o unutrašnjoj organizaciji Ministarstva za ljudska prava i izbjeglice Bosne i Hercegovine je na zahtjev Ministarstva za ljudska prava i izbjeglice Bosne i Hercegovine povučen kao neaktuelan aktom broj:03-07-453/1-012 od 21.02.2012. godine, sa ciljem predlaganja sistematizacije svih organizacionih jedinica Ministarstva (sektori, Agencija za ravnopravnost polova BiH Ured zastupnika Vijeća ministara BiH pred Evropskim sudom za ljudska prava).

-Na Stručnom kolegiju kod sekretara i Širem stručnom kolegiju kod ministra sagledavano je stanje kadrovske osposobljenosti i popunjenosti svih organizacionih jedinica Ministarstva a u okviru toga i Agencije za ravnopravnost polova BiH. Tom prilikom je analizirano trenutno stanje i nove nadležnosti Agencije za ravnopravnost polova, te povećanje obima poslova u smislu koordinacije aktivnosti iz strateških dokumenata i akcionih planova Vijeća ministara Bosne i Hercegovine.

-Ministarstvo za ljudska prava i izbjeglice se nalazi u završnoj fazi pripreme novog Pravilnika o unutrašnjoj organizaciji kojim će se cjelovitije regulisati pitanje kadrovske osposobljenosti i popunjenosti sa brojem izvršilaca u Agenciji za ravnopravnost polova BiH i ostalim organizacionim jedinicama Ministarstva u skladu sa objektivnim budžetsko-finansijskim mogućnostima i programskim opredjeljenjima Ministarstva.